

## CLASSIS ROMANA

1 Olim cuncta maria tam infesta erant praedonibus ut nemo navigaret sine maximō periculō mortis aut servitūtis. Multī nautae et mercatōrēs, mercibus ēreptis nāvibusque submersīs, ā praedonibus aut interficiēbantur  
5 aut in servitūtem abducēbantur. Iī sōlī qui magnam pecūniām solvere potuerant servitūte liberābantur. Ipse Gaius Iūlius Caesar, cum adulēscēns ex Italiā Rhodum nāvигāret, ā praedonibus captus est nec prius liberātus quam ingēns pretium solvit.

10 Nec sōlum nautae, sed etiam incolae ūrae maritimae insulārumque in metū erant. Nōnnūllae īnsulae ab incolis dēsertae erant, multa oppida maritima ā praedonibus capta. Tanta enim erat vīs et audācia eōrum, ut vim Rōmānōrum contemnentēs etiam portūs Italiae oppugnārent.

nāvēs longae

cūnctus -a -um = omnis,  
tōtus; pl = omnēs  
infēstus -a -um: (locus)  
infēstus ↔ tūtus  
servitūs -ūtis f (<servus)  
↔ libertās

sub-mergere = mergere  
(sub aquam)

liberāre + abl = l. ab/ex

incola -ae m/f = qui/quae  
incolit

(oppidum) capere = ex-pugnare  
vīs f, acc vim, abl vī  
= potestās  
audācia -ae f < audāx  
contemnere = parvī aestimāre, nōn timēre

mare Tūscum = mare Inferum

in-opia -ae f ↔ cōpia

crēscere = augērī

cārus -a -um = magni pretiū

populus -i m = cūncitū cīvēs

classis -is f = nāvium numerus

adversus = contrā

ēgregius -a -um = melior cēteris, optimus

prae-pōnere (+ dat)

proximus -a -um sup  
(comp propior -ius)

< prope; + dat: p.  
Rōmae

ali-quot indecl = com-  
plūrēs (nesciō quot)

vincere vīcissee victum  
victōria -ae f < vincere

gēns gentis f

Aegyptii -ōrum m pl

commūnis -e = nōn

ūniū sed omnium

grātus -a -um = quī  
placet, optātus

nūntius = quod nūntiatur

minuī coeptum est = mi-  
nuī coepit

summus : māximus

vīlis -e ↔ cārus

victor -ōris m = quī vīcit

fit = accidit

Quoniam igitur propter vim atque multitudinem  
praedōnum nē mare Tūscum quidem tūtum erat, pa-  
rum frūmentū ex Siciliā et ex Āfricā Rōmam advehēbā-  
tur. Ita māxima inopia frūmentī facta est, quam ob rem  
pretium frūmentī semper crēscēbat. Postrēmō, cum 20  
iam tam cārum esset frūmentum ac pānis ut multi  
pauperēs inopiā cibī necessāriī perīrent, populus Rōmā-  
nus ūnō ōre postulāvit ut ūniversa classis Rōmāna ad-  
versus hostēs illōs audācissimōs mitterētur. Ergō  
Gnaeus Pompēius, dux ēgregius, classī praepositus est. 25  
Qui prīmum ē marī Tūscō, quod mare proximum Rō-  
mae est, et ex Siciliā, īsulā Italiae proximā, praedōnēs  
pepulit, tum eōs in Āfricam persecūtus est. Dēnique,  
aliquot nāvibus in Hispāniam missīs, ipse cum classe in  
Asiam profectus praedōnēs quōs ibi invēnit brevī tem- 30  
pore omnēs vīcit. Hāc victōriā ēgregiā omnēs gentēs, ab  
Hispānīs ūisque ad Aegyptiōs Iūdaeōsque, commūnī pe-  
rīculō līberātae sunt. Simul atque grātus nūntius dē eā  
victōriā grātissimā Rōmam pervēnit, pretium frūmentī  
minuī coeptum est; victīs enim praedōnibus, nautae 35  
sine metū per maria, quae omnium gentium commūnia  
sunt, nāvigābant. Rōmae igitur ex summā inopiā re-  
pente māxima frūmentī cōpia facta est ac pānis tam vīlis  
fuit quam anteā fuerat — id quod populō Rōmānō grā-  
tissimum fuit. Pompēium victōrem cūncutus populus 40  
Rōmānus summīs laudibus affēcit.

Ex eō tempore rārō fit ut nāvis praedōnum in marī

Internō appāreat, nam classēs Rōmānae, quae cūcta maria percurrunt, nāvēs mercātōriās atque ūram maritimam diligenter tuentur. Mare Internum iterum ‘nōstrum mare’ iūre appellātur ā Rōmānīs. Neque tamen classis Rōmāna omnēs nautās quī ubīque nāvigatorū potest. Adhūc supersunt aliquot praedōnēs maritimī, quī tantā audāciā sunt ut nē armīs quidem Rōmānōrum dēterreantur.

Amīcī nostrī in marī Tūscō nāvigatorēs tālēs praedōnēs audācissimōs nāvem suam persequī arbitrantur. Cūctī perturbātī sunt. Etsī nautae omnibus vīribus rēmigant, tamen illa nāvis, ventō secundō adiuvante, magis magisque appropinquat.

Caelum nūbilum suspiciēns gubernātor optat ut ventus in adversum vertātur. Is enim nautās suōs tam validōs esse crēdit ut nūlla alia nāvis rēmīs sōlis ācta nāvem suam cōnsequī possit.

*II* Intereā Līdia genua flectit et Deum precātur ut sē adiuvet: “Pater noster quī es in caelīs! Fīat voluntās tua! Sed līberā nōs ā malō!”

Mēdus autem gladium brevem, quem adhūc sub veste occultāvit, ēdūcit et “Equidem” inquit “nōn inermis occīdar. Sī praedōnēs mē armīs petīverint, omnibus vīribus repugnābō! Fortēs fortūna adiuvat, ut āiunt.”

Tum vērō Līdia “Converte gladium tuum” inquit “in locum suum! Omnes enim quī cēperint gladium, gladiō peribunt, ut ait Chrīstus.”

internus -a -um < intrā;  
mare I.um (intrā fretum  
ōceani)=mare nostrum  
per-currere  
mercātōrius -a -um  
< mercātor  
tuērī = tūtūm facere,  
cūstōdire  
iūre : rēctē, vērē  
ubī-que = omni locō  
super-esse = reliquus  
esse  
tantā audāciā esse = tam  
audāx esse

vīrēs -ium f pl < vīs  
rēmigāre = nāvem rēmīs  
agere  
ad-iuvāre = iuvāre

nūbilus -a -um ↔ se-  
rēnus  
adversus -a -um: (ven-  
tus) a. ↔ secundus  
agere ēgisse āctum

inter-eā = interim  
flectere -xisse -xum  
voluntās -ātis f < velle;  
v. tua = quod tū vīs  
[Math. 6.9,10,13]

ē-dūcere  
in-ermis -e ↔ armātus

re-pugnāre = contrā  
pugnāre  
[Math. 26.52]

dōnec = dum, tam diū quam

ab aliquō petere = ali- quem rogāre

dis-suādēre ↔ persuā- dēre  
neu = nē·ve  
re-sistere (+ dat) = re- pugnāre  
opus esse + abl

prae-ferre: mortem servi- tūtī p. = morī mālle quam servire  
haud sciō an dīxerim = fortasse dīxi  
cārus = qui dīligit

grātia -ae f = rēs grāta, beneficium

pecūniae grātiā = ob grā- tiā pecūniae, pecū- niae causā  
sēstertium = sēstertiōrum  
of-ferre ob-tulisse ob- lātum = sē datūrum esse dicere/ostendere

red-imere -ēmisse -ēmp- tum <red- + emere

“Sed tē quoque” inquit Mēdus “gladiō meō dēfēn- 70  
dam. Nōlō tē ā praedōnibus occidī spectāre inermis.  
Dōnec ego vīvam, nēmō tibi nocēbit!”

Sed Lȳdia, quae Mēdum ut fūrem contemnit, “Nōn ā tē” inquit, “sed ā Deō auxilium petō. Is sōlus nōs tuēri potest.” 75

Item gubernātor multīs verbīs Mēdō dissuādēre cōnā- tur nē gladium ēdūcat neu praedōnibus vī et armīs resis- tat: “Quid opus est armīs? Tanta est vīs praedōnum ut nūllō modō iīs resistere possīmus. Neque praedōnēs nautās inermēs occidunt, cum eōs magnō pretiō servōs 80 vēndere possint.”

Mēdus: “Iamne oblītus es quid modo dīxeris? Dīxistū enim ‘tē mortem servitūtī praeferre’.”

Gubernātor: “Haud sciō an ego ita dīxerim, sed pro- fectō lībertās mihi vītā cārior est. Nihil lībertātī prae- 85 ferō. Quam ob rem omnem pecūniā meām praedōni- bus dabō, sī libertātem mihi reddent. Hanc grātiām sōlam ab iīs petam.”

Mēdus: “Certē praedōnēs pecūniām tibi ēripient, sed fēlīx eris sī pecūniae grātiā vītāe tuae parcent.” 90

Gubernātor: “Sī necesse erit, decem mīlia sēstertium praedōnibus offerre possum. Quod ipse nōn possideō amīcī meī prō mē solvent.”

Mēdus: “Ergō nūlla spēs est mihi, quī nec ipse pecū- niam habeō nec amīcum tam pecūniōsum, ut mē ē ser- 95 vitūte redimere possit aut velit.”

Tum mercātor "Mihi quidem" inquit "multī sunt amīcī pecūniōsī, sed valdē dubitō num pecūniā suā mē redimere velint. Fortūnā adversā amīcīs fidendum nōn est! Namque amīcī, quōs in rēbus secundīs multōs habēre vidēmur, temporib⁹ adversīs nōb⁹ dēsunt. Duōs versūs reminīscor ē carmine quod dē hāc rē scripsit poēta quīdam:

*Dōnec eris fēlīx, multōs numerābis amīcōs.*

105 *Tempora sī fuerint nūbila, sōlus eris!"*

Gubernātor: "Nesciō quī poēta ista scripserit. Tūne nōmen eius meministī?"

Mercātor: "Illōs versūs scripsit Ovidius, poēta ēgre-  
gius, nisi memoria mē fallit. Quī ipse, cum fortūnā ad-  
110 versā premerētur, ab amīcīs suīs dēsertus erat."

Gubernātor: "Nōn vērum est quod dīxit Ovidius.  
Nam etsī rāra est vēra amīcītia ac fidēs, nōn omnēs  
amīcī sunt falsī seu īfīdī. Multō melius Ennius poēta:  
*Amīcus certus in rē incertā cernit.*

115 Certus ac vērus amīcus est quī numquam amīcō suō deest seu secunda seu adversa fortūna est. Mihi vērō multī sunt tālēs amīcī, quī semper mihi aderunt in rē-  
bus adversīs, seu pecūniā seu aliā rē mihi opus erit. Ipse enim saepe amīcīs meīs affui, nēmō amīcus umquam  
120 frūstrā auxilium ā mē petīvit. Ergō omnēs mihi grātī  
sunt prō beneficiīs."

Mercātor: "Aliud est grātiam habēre, aliud grātiam referre. Nōn omnēs quī tibi prō beneficiīs grātiās agunt,

velle, *coni praes:*  
velim velimus  
velīs velitis  
velit velint  
adversa fortūna = mala  
fortuna

de-esse (+dat) = auxi-  
lium nōn ferre  
re-minisci ↔ oblīvīsci

poēta -ae m/f = qui/quae  
carmina scribit  
(multōs) numerāre: ha-  
bēre  
nūbila : adversa  
[Ovidius: Trīstia I.9.5-6]

meminisse (perf) =  
memoriā tenēre  
(↔ oblitus esse)

premere : malā rē  
afficere

amīcītia -ae f < amīcus  
fidēs = animus fidus  
seu = sīve

(amīcus) certus : fidus

ad-esse (+ dat) = auxi-  
lium ferre (↔ deesse)

ad-esse af-fuisse (< ad-  
fuisse)  
mihi grātīs = quī mihi  
bene vult prō beneficiō;  
g. esse = grātiam (: ani-  
mum grātūm) habēre  
grātiam re-ferre = g. am  
prō grātiā reddere  
grātiās agere = dicere  
'sē grātiam habēre'

meminisse + gen/acc: m.  
hominis, m. rel/rem

ali-quandō = aliquō tem-  
pore (nesciō quandō)

nē quis = nē aliquis,  
nē quisquam

pīrāta -ae m = praedō  
maritimus

mūtuus -a -um: pecūnia  
mūtua = pecūnia quae  
reddenda est  
condicō -onis f = lēx  
inter duōs statūta  
diēs f = tempus statūtum

ipsī posteā, sī opus fuerit, grātiām tibi referent. Facile  
est grātiās agere prō beneficiis, nec vērō quidquam dif- 125  
ficiilius esse vidētur quam beneficiōrum meminisse.”

Gubernātor: “Sed ego ipse soleō amīcīs meīs grātiām  
referre. Numquam beneficii oblitus sum, semper pecū-  
niām acceptam reddidī.”

Hīc Mēdus “Ergō” inquit “melior es amīcus quam ille III  
quem ego aliquandō ē servitūte redēmī.”

Gubernātor: “Mīror unde pecūniām sūmpseris ut  
aliōs redimerēs, cum tē ipse redimere nōn possīs.”

Līdia: “Ego mīror cūr id mihi nōn nārrāveris.”

Mēdus: “Nihil cuiquam nārrāvī dē eā rē, nē quis mē 135  
glōriōsum exīstīmāret. Sed quoniam omnēs mē quasi  
servum scelestum contemnitis, nārrābō vōbīs breviter  
quōmodo amīcum ē servitūte redēmerim atque ipse ob  
eam grātiām servus factus sim:

“Cum homō liber Athēnīs vīverem, ā quōdam amīcō 140  
epistulam accēpī quā ille mihi nūntiāvit ‘sē ā pīrātīs cap-  
tum esse’ ac mē per amīcitiam nostram ḥrāvit ut sē ē  
servitūte redimerem magnum pretium solvendō. Cum  
autem tantum pecūniae nōn habērem, necesse fuit pe-  
cūniām mūtuam sūmēre. Ergō virum dīvitem adī, qui 145  
mihi omnem pecūniām mūtuam dedit hāc condicōne,  
ut annō post ad certam diem omnia sibi redderentur.  
Pecūniā solūtā, amīcus meus ā pīrātīs liberātus grātiās  
mihi ēgit prō beneficiō, ac simul mihi prōmīsit ‘sē intrā  
annum omnem pecūniām redditūrum esse’ — sed annō 150

post nē assem quidem ab eō accēperam! Diē ad solven-  
dum cōstitūtā, cum pecūniā dēbitam solvere nōn  
possem, homō ille dīves mē in carcerem mīsit et aliquot  
diēbus post servum vēndidit. — Sed nesciō cūr hoc  
155 vōbīs nārrāverim, nec enim sine māximō dolōre eius  
temporis reminīscor cum in patriā līber inter cīvēs lībe-  
rōs versārer. Utinam aliquandō līber patriam videam!  
Sed frūstrā hoc optō, nam iam illī pīrātae eam spem  
mihi ēripiēnt, idque eōdem diē quō ab amīcā meā dēser-  
160 tus sum!” Hoc dīcēns Mēdus ānulum quem Līdia ab-  
icere voluit prae sē fert.

Gubernātor: “Nē dēspērāveris! Fortasse ānulō istō  
aureō tē redimere poteris. Namque avārī atque aurī cu-  
pidī sunt omnēs pīrātae. Magna est vīs aurī.”

165 Mēdus ānulum parvum aspiciēns “Putāsne” inquit  
“mē tam parvī aestimārī ā pīrātīs?”

Gubernātor: “Nōn omnēs hominēs parī pretiō aesti-  
mantur. Scīsne quantum pīrātae ā Iūliō Caesare captō  
postulāverint? Vigintī talenta postulāvērunt, id est  
170 prope quīngenta mīlia sēstertium. At Caesar, vir super-  
bus, cum id parum esse cēnsēret, quīnquāgintā talenta  
pīrātīs obtulit, simul vērō supplicium iīs minātus est!  
Tum praedōnibus quasi servīs suīs imperāvit ut tacē-  
rent neu somnum suum turbārent — ita Caesar praedō-  
175 nēs contemnēbat, cum in eōrum potestāte esset. Ubi  
prīmum redēmptus est, ipse nāvēs armāvit et captōs  
praedōnēs in crucem tollī iussit.”

cōn-stituere = statuere

remīnīscī + gen/acc: r.  
hominīs, r. reī/tem  
utinam (+ coni) = optō  
ut

prae sē ferre = ante sē  
tenēre, ostendere  
nē dēspērāveris! = nōlī  
dēspērāre!

talētūm -ī n (pecūnia  
Graeca) = XXIV mīlia  
sēstertium  
superbus -a -um = qui  
aliōs contemnit

minārī (+dat) = poenam  
prōmittere

cum... esset : quam-  
quam ... erat  
ubi prīmum + perf  
= cum prīmum  
armāre = armīs parāre

utinam nē = optō nē

nē abiēceris! = nōlī  
abicer!

mē grātiā = mē causā

hōc nihil grātius = nihil  
grātius quam hocnāvis longa = nāvis ar-  
mata (ē classe Rōmānā)  
nē timueritis! = nōlīte  
timere!dē-sistere = dēsinere  
tollere sus-tulisse  
sub-lātum

Mēdus: "Nōn sum tam superbus ut mē cum Caesare comparandum esse putem. Utinam nē pīrātae mē ut servum fugitīvum occīdant! Vērum hōc ānulō sī quis servārī potest, nōn ego, sed amīca mea servanda est. Ecce ānulum reddō tibi, Līdia. Nē eum abiēceris! Utinam ille ānulus vītam tuam servet!"

Līdia ānulum oblātum accipit et "Grātiās tibi agō" inquit, "sed quōmodo tua vīta servābitur?"

"Id nōn cūrō" inquit Mēdus, "nec enim mortem metuō, sī tē salvam esse sciō."

Tum Līdia "Ō Mēde!" inquit, "Nunc dēmum intellegō mē tibi vītā cāriōrem esse. Ignōsce mihi quod tē accūsāvī! Omnia mē grātiā fēcistū. Quōmodo tibi grātiam referam?"

Mēdus: "Nihil rogō, nisi ut mē amēs ita ut mē amābās. Hōc nihil grātius mihi fierī potest."

Līdia nihil respondet, sed Mēdum complectitur atque ūsculātur. Quid verbīs opus est?

Intereā gubernātor in mare prōspicit et "Quid hoc?" inquit, "Aliae nāvēs illam sequuntur. Tot nāvēs praedōnēs nōn habent. Nāvēs longae sunt, quae mare percurrunt, ut nōs ā pīrātīs tueantur. Nē timueritis, amīci!"

Mercātor: "Sed cūr illae nōs persequuntur?"

Gubernātor: "Quia tamquam praedōnēs ab iīs fugimus. Rēmōs tollite, nautae!"

Nautae statim rēmigāre dēsistunt ac rēmīs sublātīs nāvēs longās salūtant. Classis celeriter appropinquat.

205 Iam mīlītēs armātī in nāve proximā cernuntur. Lȳdia magnā cum laetitiā classem appropinquantem spectat, sed Mēdus etiamnunc perterritus esse vidētur.

etiam-nunc = adhūc

“Nōnne laetāris, Mēde” inquit Lȳdia, “quod nōs om̄nēs ē commūnī perīculō servātī sumus?”

210 Mēdus: “Laetor sānē quod vōs servātī estis; sed ego mīlītēs aequē timeō atque pīrātās. Nē oblīta sīs mē servum fugitīvum esse. Timeō nē mīlītēs mē captum Rōmam abdūcant, ut cōram populō ad bēstiās mittar in amphitheātrō. Hoc dominus mihi minārī solēbat.”

nē oblīta sīs! = nōlī oblīvīsci!

215 “Nē timueris!” inquit Lȳdia, “Mīlītēs ignōrant quī homō sīs et quid anteā fēceris. Iam nēmō nōs prohibēbit simul in patriam nostram commūnem redīre.”


amphitheātrum -īn

nē timueris! = nōlī timēre!

220 Intereā nāvēs longae tam prope vēnērunt ut mīlītēs cognōscant nāvem mercātōriam esse. Itaque persequī dēsistunt atque cursum ad orientem flectunt. Brevī cūncta classis ē cōnspectū abit.

cursus -ūs m < currere

— Hīc amīcōs nostrōs in mediō cursū relinquimus. Utinam salvī in Graeciam perveniant! Omnia bona iīs optāmus.



amphitheātrum

## GRAMMATICA LATINA

225

*Coniunctivus*

## Tempus perfectum

[A] *Activum.*

laudāverit

Iūlius dubitat num magister Mārcum laudāverit.

-erit

'Laudāverit' est coniunctivus temporis praeteritū perfectū. 230

Coniunctivus perfectū dēsinit in -erit (pers. III sing.), quod ad īnfīnitivum perfectū sine -isse adicitur.

Exempla: [1] recitāv|erit; [2] pāru|erit; [3] scrips|erit; [4] audiv|erit.

Pater filium interrogat 'num bonus discipulus fuerit: num 235  
magistrō pāruerit, attentē audīverit, rēctē scripserit et pulchrē  
recitāverit.'Pater: "Audīsne? Interrogō tē 'num bonus discipulus fue-  
ris, num magistrō pārueris, attentē audīveris, rēctē scripseris et 240  
pulchrē recitāveris'." Filius: "Iam tibi dixī 'mē industrium  
fuisse.' Quārē igitur mē interrogās 'num bonus discipulus  
fuerim, num magistrō pāruerim, attentē audīverim, rēctē scrip-  
serim et pulchrē recitāverim'? Crēde mihi! Nē dubitāveris dē  
verbīs meis!"Parentēs filiōs interrogant 'num bonī discipulī fuerint: num 245  
magistrō pāruerint, attentē audīverint, rēctē scripserint et pul-  
chrē recitāverint.'Parentēs: "Audītisne? Interrogāmus vōs 'num bonī disci-  
pulī fueritis, num magistrō pārueritis, attentē audīveritis, rēctē 250  
scripseritis et pulchrē recitāveritis'." Filiī: "Iam vōbīs diximus  
'nōs industriōs fuisse.' Quārē igitur nōs interrogātis 'num  
bonī discipulī fuerimus, num magistrō pāruerimus, attentē  
audīverimus, rēctē scripserimus et pulchrē recitāverimus'? Crē-  
dite nōbīs! Nē dubitāveritis dē verbīs nostrīs!"

[1]	recitāv erit m
	recitāv erit s
	recitāv erit t
	recitāv erit mus
	recitāv erit tis
	recitāv erit nt
[2]	pāru erit m
	pāru erit s
	pāru erit t
	pāru erit mus
	pāru erit tis
	pāru erit nt
[3]	scrips erit m
	scrips erit s
	scrips erit t
	scrips erit mus
	scrips erit tis
	scrips erit nt
[4]	audiv erit m
	audiv erit s
	audiv erit t
	audiv erit mus
	audiv erit tis
	audiv erit nt
fu erit m	fu erit mus
fu erit s	fu erit tis
fu erit t	fu erit nt

nē dubitāveris! = nōlī  
dubitāre!nē dubitāveritis! =  
nōlīte dubitāre!

-eri|m -eri|mus

-eri|s -eri|tis

-eri|t -eri|nt

*Singulāris Plūrālis*

255

*Persōna prīma* -erim -erimus*Persōna secunda* -eris -eritis*Persōna tertia* -erit -erint

## [B] Passīvum.

260 Pater dubitat num filius ā magistrō laudātus sit.

Pater: "Tūne ā magistrō laudātus es?" Filius: "Nesciō num laudātus sim!" Pater: "Quōmodo nesciōs num laudātus sis ā magistrō?" Filius: "Nesciō quid ab eō dictum sit, nam in lūdō dormīvi!"

265 Pater dubitat num filii ā magistrō laudātī sint.

Pater: "Vōsne ā magistrō laudātī estis?" Filiī: "Nescimus num laudātī simus!" Pater: "Quōmodo nesciīs num laudātī sitis?" Filiī: "Nescimus quid magister dixerit, nam in lūdō dormīvimus!"

	Singulāris	Plūrālis
<i>Persōna prīma</i>	laudātus sim	laudātī simus
<i>Persōna secunda</i>	laudātus sis	laudātī sitis
<i>Persōna tertia</i>	laudātus sit	laudātī sint

laudātus sim  
laudātus sis  
laudātus sit  
laudātī simus  
laudātī sitis  
laudātī sint

-tus	sim	-tī	simus
-ta	sis	-tae	sitis
	sit		sint
-tum	sit	-ta	sint

## PENSVM A

Dominus dubitat num pāstor ovēs bene cūrāv-. Dominus: "Dīc mihi, pāstor, utrum in campō dormīv- an vigilāv-." Pāstor: "Mīror cūr mē interrogēs utrum dormīv- an vigilāv-." Semper officium meum faciō." Dominus: "Ergō dīc mihi cūr herī ovis ē grege aberrāv- ac paene ā lupō capta s-." Pāstor mīrātur unde dominus hoc audīv-.

Iūlius servōs interrogat num Mēdum vīd-. Servi: "Nescimus quō fūg-, ut tibi dīximus. Cūr nōs interrogās num eum vīd-?" Iūlius: "Id interrogō, quia dubitō vērumne dīx-!"

Verba: vincere -isse -um; agere -isse -um; flectere -isse -um; offerre -isse -um; redimere -isse -um; tollere -isse -um; adesse -isse.

## Vocabula nova:

servitūs  
incola  
vīs  
vīrēs  
audācia  
inopia  
populus  
classis  
victōria  
gēns  
victor  
vīrēs  
voluntās  
grātia  
poēta  
amīctia  
pīrāta  
condicō  
talentum  
amphitheātrum  
cursus  
cūnctus  
īnfēstus  
cārus  
ēgregius  
proximus  
commūnis

## PENSVM B

Priusquam Pompēius, dux — [= optimus], — Rōmānae praepositus est, — [= omnia] maria — erant praedōnibus, quī Rōmānōs ita — ut etiam portūs Italiae oppugnārent. Tan-ta erat — praedōnum ut nēmō iīs — posset. Nēmō sine metū

grātus  
vīlis  
internus  
mercātōrius  
nūbilis  
adversus  
inermis  
mūtuus  
superbus  
submerge re  
contemnere  
praepōnere  
percurrere  
tuēri  
rēmigāre  
adiuvāre  
flectere  
ēducere  
repugnāre  
dissuādere  
praeferre  
offerre  
redimere  
reminīsci  
meminisse  
referre  
mināri  
armāre  
dēsistere  
aliquot  
ubique  
aliquandō  
intereā  
etiamnunc  
dōnec  
neu  
seu  
utinam

mortis aut — nāvigābat. — [= complūrēs] īnsulae ab — relinquēbantur. Rōmae frūmentum tam — erat ut multū pauperēs fame (= — cibī) perīrent.

Pirātae, quī — [= aliquō tempore] Caesarem cēperant, xx talenta — [= sīve] D mīlia sēstertium ab eō postulāvērunt, sed Caesar, vir —, L talenta iīs —. Tantō pretiō Caesar — est.

Omnēs amīcī prō beneficiīs — agunt, sed paucī posteā — referre volunt. Vēra — rāra est. Difficile est beneficiōrum —. Fortēs fortūna —.

### PENSVM C

Cūr Pompēius classī Rōmānae praepositus est?

Cūr amīcī nostrī ab alterā nāve fugiunt?

Utrum ventus secundus an adversus est?

Quantum gubernātor pīrātīs offerre potest?

Num ipse tantum pecūniae possidet?

Quandō vērus amīcus cognōscitur?

Quōmodo Mēdus servus factus est?

Cūr Mēdus adhūc nihil nārrāvit de eā rē?

Suntne praedōnēs quī eōs persequuntur?

Cūr Mēdus etiamnunc perterritus est?

Quō nāvēs longae cursum flectunt?